

nem videtur dicendum de illo, qui promulgato monitorio ad revelandum crimen non revelat. Sed iterum de hoc infra, dum de iniustitia testis.

IV. Quæritur specialiter, utrum Confessarius, qui ex ignorantia, aut negligentia graviter culpabili non injungit Pœnitenti restitutionem, ad quam tenetur, fiat ipse obnoxius huic restitutioni? Antè responsonem suppono, 1. quòd, si Confessarius, qui in hac parte deliquit, postea moneat Pœnitentem suæ obligationis, sit ipse liber ab illa: quia tunc non potest amplius censerì causa non restitutionis, sed ipsa Pœnitentis malitia. Suppono 2. quòd, si pœnitenti interroganti, an debeat restituere, nihil responderet Confessarius, certò teneatur ipse restituere, quia silens in his circumstantiis non se habet tantum negativè ad non restitutionem, sed censetur ad illam concurrere positivè ut suadens, aut consentiens: verificatur enim tunc commune effatum: *Qui tacet, consentire videtur*. Quæstio itaque est de Confessario, qui merè negativè se habet tacendo. Quidam, inter quos Lessius, distinguunt inter Confessarios, qui ex officio habent curam animarum, ut sunt Episcopi & Parochi, inter eos qui ex officio non habent, ut sunt regulares: primos censet teneri ad restitutionem, non secundos. Addit tamen Lessius, etiã primos probabiliter non teneri. R. Probabilius est, Confessarium qua talem, sive ex officio habet curam animarum, sive non, non teneri in casu proposito ad restitutionem. Ita ex Nostri Ledesma, Serra: ex Extraneis Valentia, Sa, Layman, Sporer, Dœlman &c. contra Navarr. Sylvium, Auctorem Suppl. Tourneli &c.

Prob. 1. Confessarius tenetur ex officio monere Pœnitentem obligationis restituendi in ordine ad spiritualia tantum, non in ordine ad temporalia, sive ipsius Pœnitentis, sive alterius tertii: officium enim istud totum est spirituale: ergo dum omittit monere, non violat Justitiam in ordine ad temporalia, sed in ordine ad spiritualia, tantum: sola autem violatio Justitiæ inducit obligationem restituendi, proindeque Confessarius tenetur reparare damna spiritualia, si sequantur ex suo silentio, non temporalia. Confirm. Custodes, ut modo dicebam, ex ipsis Navarro, & Sylvio, nobis hac in parte adversariis, qui non impediunt secantes ligna, aut dissimulant fraudulentas vœtigalia, non tenentur ad multas, sed solum ad damna aut vœtigalia; quia non tenentur ex officio monere in ordine ad multas solvendas, sed tantum ad damna avertenda & solvenda vœtigalia: ergo similiter in nostro casu. Ex hac ratione sequitur, nequidem Confessarium teneri restituere ipsi pœnitenti, si ex ejus omissione sequatur illi damnum temporale, puta, si ob non injunctam restitutionem & inde neglectam aliquas expensas facere debuerit.

Prob. 2. Darò, Confessarium vi administrationis Sacramenti Pœnitentiæ obligari ex Justitia in ordine ad bonum Pœnitentis etiam temporale, hac tamen obligatio non extenditur ad bonum temporale alterius tertii, quocum neque pactum neque conventionem ullam etiam tacitam invit vi administrationis hujusmodi debitam suo Pœnitenti, sed non isti tertio. Subsumo: atqui illi soli facienda est restitutio, cui Justitia est debita, & respectu cuius violatur: ergo. Habet quidem jus ille tertius, ut Pœnitens ipsi restituat, sed non habet jus strictum, ut Confessarius qua talis hac de re pœnitentem moneat, cum vi officii sui ad id se non obligaverit: quasi verò Confessarius ratione administrationis Sacramenti Pœnitentiæ foret ex officio procurator bonorum temporalium cujuscumque.

Dices cum Sylvio: si Princeps aut Prætor videat suos subditos nocere aliis non sibi subditis, & non impediatur eum potest, tenetur ad restitutionem, etsi non tenetur procurare bonum illorum non subditorum: ergo similiter. R. 1. Heredo primæ probationi, disparitatem esse, quòd obligatio Principis, aut Prætoris sit in ordine ad temporalia; obligatio autem Confessarii in ordine ad spiritualia tantum. R. 2. Heredo 2. probationi, disparitatem esse, quòd inter Principes & consequenter eorum Prætores interveniat virtualis contractus, seu tacita conventio pro bono & tranquillitate communi, ne sui subditi alterius subditis noceant, sicut communitè admittitur inter vicinas communitates conventio tacita quoad passionem & ligationem reciprocam in territorio arguatur. Undè Principes ex Justitia obligantur non solum erga suos subditos, sed etiam erga alienos ne a suis videntur. Talis autem contractus, seu conventio non intercedit inter Confessarium qua talem & illum tertium, cui Pœnitens tenetur restituere.

§. VIII. Quo ordine Cooperatores damni tenentur restituere?

I. Suppono 1. Eum, qui rem adhuc extantem apud se habet, antè omnes teneri eam restituere. Quia tenetur ratione rei acceptæ, & hæc obligatio est omnium maxima; quandiã enim res extat, clamat ad dominum ut communiter dicitur, & ei debetur. Quòd si bona fide eam absumpsit, tenetur in quantum factus est dñior, quia id succedit loco rei: si mala fide tenetur ad totum æquivalens, alioquin commodum reportaret ex nova sua iniustitia. Undè regula Juris 36. in 6. *Pro Possessore habetur qui dolo desit possidere*. Insupèr, cum sciens & volens commodum ex ea re præ cæteris perreperit, æquum est etiam, ut præ cæteris subeat onus restituendi. Eo itaque restituente, cæteri cooperatores non tenentur restituere; non domino, quia habet quod suum est; non illi qui restituit, quia non habet minus quam debet habere. Excipit tamen 1. si mandans concedat executori rem ablattam, aut ejus partem ut mercedem: 2. si herus rem furtivam, puta ovem, a suis famulis consumi jubet; in his enim, & similibus casibus mandans & herus videntur in se suscipere onus restituendi præ cæteris.

Suppono 2. Quòd, quando plures æqualiter concurrunt ad damnum, tenentur æqualiter ad restitutionem, unusquisque pro sua parte: ut si decem communi consilio incendant domum valentem mille aureis, unusquisque tenetur reddere centum: si duo consultant furtum centum aureorum, unusquisque tenetur refundere 50. Quia obligatio restituendi oritur ex influxu in damnum: ergo ubi æqualis est influxus, æqualis est obligatio: ex quo etiam sequitur, quòd, si inter eodem modo concurrentes, v. gr. inter plures consulentes unus magis influit, quam alter, teneatur etiam plus restituere. Quòd si aliqui deficiant, teneatur quisque in solidum, quo quisque influit in totum damnum; si non totalitate cause, saltem totalitate effectus. Uuo autem restituente, alii (*Hic a. 6. ad 3.*) debent ipsi refundere, quisque suam partem: quia dominus, qui accepit ejus integram restitutionem, censetur ei transmississe totum jus, quòd prius habebat: & alioquin ejus diligentia faceret eum pejoris conditionis, cum culpa & tarditas aliorum ipsis patrocinaretur. Adde, quòd non restituentes sint causa, cur si debeat restituere totum, cum alioquin sufficeret restituere partem, adeoque sint illi causa damni.

II. Quæstio itaque restat de iis, qui diverso modo concurrunt: v. gr. concurrunt ad eandem damnificationem mandans, exequens, & consulens; queritur, utrum inter eos sit aliquis ordo, ita ut quidam prius totum restituere teneantur; & iis deficientibus, alii? Contendit Petrus Navarra, quòd unusquisque immediatè teneatur restituere suam partem, majorem vel minorem, secundum quòd plus vel minus influit: v. gr. si damnum sit 20. aureorum, mandans teneatur ad 10. exequens ad 6. consulens ad 4. quisque tamen ad totum, aliis deficientibus. Hæc sententia non est improbabilis; aliter tamen resolvit S. Th. & cum eo omnes fermè Theologi. Undè,

Dico: (*Ibid. a. 7. ad 2.*) Primariò & principaliter totum restituere tenetur mandans: secundariò exequens, & consequenter alii per ordinem; ita ut restituente mandante, cæteri sint liberi a restitutione; restituente vero exequente, mandans tenetur illi restituere, cæteri autem subsequentes sint liberi. De mandante patet: quia est principalis causa, cuius auctoritate, nomine, gratia fit, cujusque propterea omnes subordinantur, ac serviunt ut instrumenta. Undè communi omnium sensu censetur in se suscipere primariò totius restitutionis onus. Sanè iniquum quin & ridiculum foret, quòd, qui aliis jussit maleficium fieri suo nomine & in sui gratiam, exigeret ab aliis partem restitutionis. Mandanti hic accensendus est, qui vi metu, minus alterum cogit ad maleficium. Item, qui sive fraude, sive solis precibus, aut consiliis induxit alium, ut in sui gratiam damnum inferret: hi enim æquivalent mandanti, & sunt sicut ipse principales in facto: ita ut etiam censentur in se suscipere onus restitutionis. Imò, qui his modis mandantem induceret ad mandandum, prius ipso teneretur, quia foret ipso magis principalis in damno. De Executore, qui absquè mandante agit, etiam patet, quia ipse est principalis in facto, & proprio nomine damnificat. De Executore verò, qui auctoritate & nomine mandantis agit, quidam dubitant, quia tunc est tantum agens secundarius sicut alii cooperatores, proindeque videtur tantum teneri pro sua parte, sicut alii. Nihilominus probabi-

tum remisisse ratam, sperans fore, ut alii restituerent.

ARTICULUS XIV.

Cui sit facienda Restitutio?

Distinguenda sunt hic bona duplicis generis. Alia sunt certa, alia incerta. Certa dicuntur, quorum dominus est certus & notus: incerta, quorum dominus est ignotus, aut incertus.

§. I. Cui bona certa sint restituenda?

Dico: Bona certa ordinariè sunt restituenda ei, a quo fuerunt accepta, sive sit eorum dominus, sive tantum legitimus possessor. (*Hic a. 5. o.*) Prob. 1. Pars. (*Ib.*) Restitutio adhibetur, ut fiat æqualitas, quæ consistit in rerum adæquatione; atqui hæc haberi non potest, nisi restituatur illi, qui per ablationem habet minus, quam debet habere: ergo. Prob. 2. Pars. Quia, dum quis legitimo titulo rem possidet, quamvis non sit verus illius dominus, ut est commodatarius; depositarius, &c. habet tamen jus vel illa utendi, vel illam custodiendi, servandi, &c. quòd jus læditur per rei ablationem, nec reparatur nisi per restitutionem ipsi factam, & non immediatè domino. Hinc inferes, furantem commodatum, locatum, depositum, pignus, debere restituere commodatario, locatario, depositario, &c. Pariter furantes res Pupilli a Curatore vel Tutore, res communes ab Administratore, teneri illis restituere, & non veris dominis; quia alioquin jus illorum violatur. Item surripienti pannum a sartore, lineamina a lotrice, illis, & non dominis, debet reddere, propter eandem rationem; & insupèr, quia alias exponitur periculo amittendi pretium sui laboris, aut inde veniant in suspicionem negligentie in servandis rebus sibi creditis.

Dixi 1. ordinariè: (*Ibid. ad 1.*) quia sunt plures exceptiones. Prima: Quando res restituenda appareret graviter nociva ei, cui restitutio facienda est, non ei debet tunc restitui, sed vel reservari, ut congruo tempore restituatur, vel alibi tradi tutius conservanda; quia restitutio ordinatur ad utilitatem illius, cui restituatur. Idem dic, si repetatur in damnum alterius; tunc quia non habet jus repetendi in hunc finem; tunc quia ex Lege charitatis, secundum quam Deus mandavit unicuique de proximo suo, tenemur impedire malum sive spirituale sive corporale proximi, quòd commode possumus. Hinc inferes, te nec teneri, nec posse reddere gladium apud te depositum repenti in eadem inimici, pecunias apud te depositas repenti ad usuras, ad simoniam, ad meretriciam, &c. Utrum verò possis, si ex non redditione tibi imminet grave damnum, dicam modo. Interim

Dices: Parochus tenetur prorrigere Eucharistiam peccatori occulto, petenti publice. Uxor tenetur reddere debitum viro petenti, licet voto castitatis obstricto; quia uterque habet jus, ille ad Eucharistiam, iste ad debitum: ergo similiter in nostro casu. R. ad 1. disparitatem esse, quòd sequeretur scandalum & infamia petentis, si ipsi denegaretur communicatio: undè subest justa ratio dandi, quæ non supponitur in nostro casu. Ad 2. nego, uxorem posse reddere debitum tali marito, nisi subsit gravis causa, puta nisi timeat ex denegatione graves iras, rixas, odia, blasphemias, pollutiones, adulteros amplexus, &c. sic etiam in nostro casu, ut dicam modo.

Secunda exceptio: Quòd nihil interest illius, a quo res accepta fuit, quòd reddatur immediatè domino, potest uni, vel alteri reddi. Imò, si interesset dominus, ut sibi immediatè reddatur, puta, quia Possessor est suspectus, aut dissipator, debet domino immediatè reddi, nisi fortè ex hoc gravius damnum immineret Possessori, a quo fuit accepta. Undè, secundum Cajetanum, bona Ecclesie sunt potius reddenda Capitulo, quam Prælo dissipatori. Tertia exceptio: Quando is, a quo res est accepta, non est capax domini, vel administrationis, ut est pupillus, filiusfamilias respectu bonorum adventitiorum, uxor respectu bonorum communium, Religiosus, &c. res reddenda est Tutori, Patri, Prælo, Marito, &c. alioquin in foro externo juxta *L. Pupillus ff. de actionibus*, teneris iterato solvere, nisi probes rem redditam applicatam fuisse in utilitatem Patris, Pupilli, Familie, Monasterii, &c. Attamen in foro conscientie non videtur requiri probationem, sed videtur sufficere, ut a secunda restitutione libereris, si prudenter credas eos, quibus restituitis, satisfacturos esse suo officio. Ab hac exceptione excipe res concessas Religiosis ad usum; hæc enim ip-

